

वै द्वि॒त्रपो भवति । द्वि॒दे॒व॒त्यो हि भवति दे॒व॒तयो॒रस॒मदे कृ॒क्ष॒सा॒रंग॒ स्यादित्या॒
 दुरे॒त॒द्वेन॒यो वृ॒ष॒त॒म॒मि॒वेति॒ यदि कृ॒क्ष॒सा॒रंगं न वि॒न्दे॒द्योऽपि लो॒हित॒सा॒रंग॒
 स्यात् ॥ २३ ॥ तस्मिन्वाचयति । न॒मो मि॒त्रस्य॒ व॒रु॒णस्य॒ चक्ष॑से म॒हो दे॒वाय॒ तद॒
 त॒ऽस॒प॒र्य॒त । दू॒रे दृ॒शे दे॒व॒जा॒ताय॒ के॒त॒वे दि॒व॒स्यु॒त्राय॒ सूर्या॒य श॒ऽस॒तेति॒ न॒म ए॒
 वा॒स्माऽए॒तत्क॑रोति मि॒त्रधे॒यमे॒वैने॒नैत॑त्कुरुते ॥ २४ ॥ अथाध॒र्युरा॒रोह॑णं वि॒मुञ्च॑ति ।
 व॒रु॒णस्यो॒त्त॒म्भ॒न॒मसी॒त्युप॑स्त॒म्भ॒नेनो॒प॒स्त॒भाति॒ व॒रु॒णस्य॒ स्क॒म्भ॒स॒र्ज॒नी स्थ॒ इति॒ श॒
 म्येऽउ॒द्धृ॒ति स॒ यदा॒ह व॒रु॒णस्य॒ स्क॒म्भ॒स॒र्ज॒नी स्थ॒ इति॒ व॒रु॒ण्यो ह्ये॒ष ए॒तर्हि॒ भ॒
 वति॒ यत्सो॒मः क्री॑तः ॥ २५ ॥ अथ च॒वा॒रो रा॒जास॑न्दो॒माद॑दते । द्वौ वाऽअ॒स्मै मा॒
 नुषा॒य रा॒ज्ञऽआ॑द॒दातेऽअ॒थैतां॑ च॒वा॒रो योऽस्य॒ सकृ॑त्सर्व॒स्येष्टे ॥ २६ ॥ औ॒दु॒म्ब॒री
 भवति । अ॒न्नं वाऽऊ॒र्गु॒दु॒म्ब॒र ऊ॒र्जाऽन्ना॒द्यस्या॒वरु॑द्धौ त॒स्मादौ॒दु॒म्ब॒री भवति ॥ २७ ॥
 नाभि॑द॒घ्ना भवति । अ॒त्र वाऽअ॒न्नं प्र॒ति॒ति॒ष्ठ॒त्यन्न॑ऽसोमस्त॒स्मा॒न्नाभि॑द॒घ्ना भव॑त्य॒त्रो
 ऽए॒व रे॒तस॒ आ॒शयो॒ रे॒तः सो॒मस्त॒स्माद॑त्र॒द॒घ्ना भवति ॥ २८ ॥ ता॒मभि॑मृ॒शति । व॒
 रु॒णस्यऽऋ॒त॒स॒दन्य॑सीत्यथ कृ॒क्षाजि॑नमास्तृ॒णाति॒ व॒रु॒णस्यऽऋ॒त॒स॒दन॑मसीत्यथै॒नमा॒
 सा॒द॒यति॒ व॒रु॒णस्यऽऋ॒त॒स॒दन॑मासी॒दिति॒ स॒ यदा॒ह व॒रु॒णस्यऽऋ॒त॒स॒दन॑मासी॒दिति॒
 व॒रु॒ण्यो ह्ये॒ष ए॒तर्हि॒ भवति ॥ २९ ॥ अथै॒न॑ऽशा॒लां प्र॒पा॒द॒यति॒ । स॒ प्र॒पा॒द॒य॒न्वा॒
 च॒यति॒ या॒ ते धा॒मानि॒ ह॒विषा॒ य॒ज्ञन्ति॒ ता॒ ते वि॒श्वा परि॑भूर॒स्तु य॒ज्ञम् । ग॒य॒स्फा॒
 नः प्र॒तर॑णः सु॒वीरोऽवी॑र॒हा प्र॒चरा॒ सोम॒ दु॒र्या॒नि॒ति गृ॒हा वै दु॒र्या॒ गृ॒हान्नः॒ शिवः॒
 शा॒न्तोऽपा॑प॒कृ॒त्प्र॒चरे॒त्ये॒वैत॑दा॒ह ॥ ३० ॥ अ॒त्र ह्ये॒के । उ॒द॒पा॒त्रमु॒प॒नि॒न॒यन्ति॒ यथा॒ रा॒
 ज्ञऽआ॒ग॒तायो॒द॒क्र॒मा॒हरे॒दे॒वमे॒त॒दिति॒ व॒द॒न्त॒स्तु॒ तथा॒ न॒ कुर्या॑न्मा॒नुष॑ऽह॒ ते य॒ज्ञे
 कु॒र्वन्ति॒ व्यृ॒द्धं वै त॒द्य॒ज्ञस्य॒ य॒न्मा॒नुषं॒ ने॒द्यृ॒द्धं य॒ज्ञे क॑र्वाणीति त॒स्मान्नो॒प॒नि॒न॒येत्
 ॥ ३१ ॥ ब्रा॒ह्म॒णम् ॥ १ [३. ४] ॥ तृ॒तीयोऽध्या॑यः [१८] ॥ ॥

शि॒रो वै य॒ज्ञस्या॑तिथ्यं बा॒हू प्रा॑यणीयो॒द॒यनी॒यौ । अ॒भि॒तो वै शि॒रो बा॒हू भ॒